

四庫全書

集部

欽定四庫全書

元詩選初集卷二十

庶吉士顧嗣立編

送孫道士歸杭

送鴈南飛十五年朔風吹雪上華顛
梨花疑蝶燕予深深似杜鵑
東野先生愁外句西湖處士夢中緣
抱琴獨去知無奈一櫂春江水拍天

次韻王寅甫侍讀莅醮長春宮

蛻骨稜稜似鶴輕
觚壇危處玉為成
天街正候三能色

雲所疑呼萬歲聲氣冢通靈歸廓落心章祈歲報清平
金穰上瑞吾皇意不用神芝朶朶生

次韻陳又新

登臺底用惜春菲平楚微茫落照時燒後斷碑遺鳥跡
耕餘殘壁隱蠶耆泉分去路蕭蕭玉山聳歸雲簇簇旗
駐馬應須更搔首遠煙迴雁不勝詩

西湖空濛圖

舊隱湖山筆底收相從京雒意中遊昏昏車馬飛花雨

寂寂鍾魚落葉秋
千古登臨翻昨夢
百年歌舞漾清愁
何當化鶴看滄海
不用呼猿吸澗流

張虛靖園庵扁曰歸鶴次韻

招仙遊館構亭亭
萬疊松寒曉日青
玉局講殘春換劫
石臺丹在草通靈
紅羊赤馬悲滄海
白虎蒼龍儼大庭
為愛子喬笙鶴美
月涼時許夜深聽

送虞伯生降香還蜀省墓二首

玉雪祠官貂帽低
笑乘飛雁上天梯
寶幡繡重團金粟

鈿合香嚴印紫泥官饌每供千歲鹿驛程深聽五更雞
流沙可是河源地回首揚鞭更欲西

丞相墳前雙闕摧泉聲隱隱柏崔嵬金牛已向秦中去
銅馬空傳渭上來叢竹雨留銀燭淚落花風颺楮錢灰
百年華表塵千劫聞道曾孫始一回

再次韻二首

振衣千仞笑雲低捫歷星辰履劍梯度坂正須三尺筌
入闕應笑一丸泥神君祭重祠青馬墨客才工頌碧雞

萬里遨頭端不負花開緩醉玉東西

閣道新平舊石摧望鄉使客竟冤冤犀牛坐見降王去
杜宇聲隨望帝來三卯錄成魂有燐五丁神泣劫揚灰
推醺欲作鄉隣會揮手先催弩矢回

送王繼學修撰馬伯庸應奉分院上都二首

玉京高處雪流脂連插雞翹綠鬢垂蹀躞有泥歌獨灑
琵琶無夢說相思黑河舊樂催填譜白海名花擬進詞
羽獵上林俱罷賦卿雲何以報明時

淺坡平疊磧漫漫拂嶺青帘卷畫看羶屋起營羊腴熟
土房催頓馬通乾捫官走驛傳金椀冰正分奩貯玉盤
莫上鄉臺望南北白雲微處是槍竿

寄王儀伯太守

維揚太守文章伯故壘荒煙取次題逆浪風高淮白上
寒沙雲落海青低極知后土花如雪不惜平山醉似泥
跋馬使君官驛畔揚鞭却在夕陽西

次韻李伯宗苦熱

庭院無眠夜氣深
鯨星閃閃漏沉沉
祝融炊火翻初劫
姑射凝冰易舊心
角枕雲蒸紋欲斷
蠟鐙煙暖淚難禁
蕭騷忽作還家夢
翠木扶疎萬竹森

次韻陳海陰

三月雪花飛作羶
春風似欲駐新年
夢當好處成烏有
歌到狂時近自然
邨樹綠齊黃鳥界
海山青盡白鷗天
何人會得龐公意
布領長披不上船

馬伯庸擬李商隱無題次韻四首

金縷歌殘月墮江玉顏曾憶侍油幢象牀雲重思專壹
鯨錦波翻賜疊雙春淺正宜羶作幕夜涼深恨魀為窗
浣沙可是無靈匹側足寒溪濺石淙

翠簾匝匝護朱光千葉宮桃滿院香閨苑有鸞通尺素
靈橋無鵲寄流黃上林賦罷歸巴蜀興慶詞工謫夜郎
不是月中親度曲世人那解聽霓裳

相期來似石城潮日望晴虹結彩橋却月看愁歌漸遠
凌波步近意非遙抽琴有恨迴清角疊袖無塵轉綠腰

弄玉最憐隨鳳去秋來誰與伴吹簫

白髮詞臣兩耳垂華腴堆吻陋牛醫宮娥引燭催麻日
院史傳更寫制時蠟撚化生秋夕賜翠標疊勝歲華移
低頭欲說唐朝舊願侍虛皇進玉卮

送浦如淵辭官南歸

厭聽朝雞擁被吟吳船水滑碧千尋平洲種橘清霜重
小墅栽花綠霧深瞿鵲真能談孟浪鴟夷端自愛浮湛
因君搖蕩還家思燭影秋房恨不禁

送巨德新四川省郎中

退食公庭日未西
浣谿清雨換障泥
籌邊舊式傳銅馬
弔古新詩問石犀
荔子綠陰鸚鵡武
過杏花紅影秭歸
嗟遨頭雅集須頻
領不惜鄆筒取次
攜

送樂德敬甘肅儒學提舉

磅礴坤輿總帝圖
手提文印化沮渠
旋宮更問涼州譜
尚右時通梵國書
枸杞夜號端入驛
蒲萄秋落易盈車
飛沙斜日頻回首
歸雁相迎亦惘如

過揚州憶昔四首

漢東之國古隨州一老昂藏死即休黑髮虎頭真骨相
青春麀尾鬬風流人言謝傳為朝鎮誰信鍾儀作楚囚
浩蕩乾坤納今古好將汗簡寫千秋

空遺蒸壤白如銀不見當年指畫因高視漢庭無出右
清談洛學竟成真極知羽扇為癡具更恨烏衣是偶人
六合車書端有意百年荆棘已生春

蕭蕭凍雨溼旌旄猶著殷紅舊戰袍金盃昔聞歸馬埒

欽定四庫全書

元詩選卷二十

牙牌誰肯信龍韜樓頭換箭鼓聲急堂上傳盃歌韻高
到底奸雄有真態木綿庵畔鬼車號

四城賦擬張衡麗十鑑書同賈誼哀

公有四城賦
江東十鑑

腹裏

春秋納雲夢紫頭今古起風雷青山不受折腰辱

舊尉
慈溪

為郡守屬
文翁勸去

白眼豈知徒步回

乙亥間
道歸里

舟泊城南更回首

寒風吹淚下天台

此詩屬胡
懷寧三省

觀物

黃河不信從天下濟水那知有伏流自古乾坤合神化

空將簡牘費冥搜
張華博物身終死
鄒衍談天舌竟休
我亦從今銷綺語
春風碧眼玩沙鷗

玉堂合歡花初開鄭潛昭率同院賦詩次韻

一樹高花冠玉堂
知時舒卷欲雲翔
馬嘶不動游纓聳
雉尾初開翠扇張
舊渴未須餐玉屑
嘉名端合紀青裳
雲窗霧冷文書靜
留取餘清散遠香

崔豹古今注青裳一名合歡今但名

合歡而青裳之名不著

觀閒閒齋紅梅次蘇公姿字韻二首

臘底飛霽瑞已遲天將絳雪報清時施朱可是良工手
補袞端歸大雅姿溜溜溫泉傳賜浴斑斑辱井媿淪肌
閉門已覺寒如許迴首江南竹外枝

雲閣香溫睡覺遲不堪殘角曉鐘時玉妃瓊屑難為從
青女鉛華敢弄姿可怪鮫綃能幻色誰將猩血解填肌
團團似就迴文錦薄暮凝愁下翠枝

次韻仲章舟中思南湖

綠陰濃處彩毫揮忽憶春殘理櫂歸約略晚花團錦幄

招邀稚筍試斑衣長年客影如雲度五月湖光似雪飛
從此清林供笑傲莫看迴雁損天機

仲章詩律大進數日道中論詩亦頗相合復次前

韻以勉之

氣劇屈賈欲平揮格律論詩要有歸石髓定成千歲乳
藕絲空綴五銖衣寒原草盡蒼鷹搜涼月松陰白鶴飛

從此窮河天已近還家何用詫支機

此下尚有次韻詩
三首題云仲章詩

律已入唐人風調而下語猶未馴妥殆類唐人過橋斷
橋之意近世學者類有此失仲章德業遠大當不若是

此殆其弄翰也其詩中警句如苦心欲寄千年簡妙語誰傳半夜衣麒麟瑞世非闕走鵬鶚呈空不為飛俱見古人相勉之意

清明

水落渾黃風晦冥不知節物是清明道旁新塚悲歡盡
柳下長亭聚散輕門靜鞦韆歸燕逐沙寒簪簪過魚驚
河南禁酒河陽飲醉醒相看總有情

宜遠樓

紫翠光中擁翠鬟分明倒影落西山遊塵自逐鐘聲去

過雨能將月色還萬里關河新勝槩一天星斗舊躋攀
絕憐想像空題咏後會應須共倚闌

遊城南次韻陳玉峰

市橋水斷綠交加簇騎踰尋處士家坐聽蟲聲行木葉
卧看雲影落簷花清晨采露筠籠重薄莫沾春烏帽斜
一徑寒英端手種好烹晴綠代煎茶

次韻正旦會朝

闔闔春迴旭日鮮花光搖曳珮僊僊金蓮漏下催初刻

玉筍班齊祝萬年香擁袞龍開黼座風迴笙鶴舞鈞天
朝元法曲誰傳得歸醉蓬萊話日邊

昌上人遊京師欲言禪林弊事甫入國門若使之
去者昌余里人幼歲留吳東郡遺老及穎秀自
異者多處其地以予所識聞若承天了天平恩
穹窿林開元茂皆可依止遂各一詩以問訊虎
丘永從遊尤久聞其謝世末為一章以悼六首
人說江湖少舊僧懸崖高挂一枝藤采苓欲取千年魄

擊石曾烹六月冰
天上星辰端歷歷
胸中樓閣自層層
相逢止說前朝事
知是松源第四鐙

青鞵高挂天平壁
指點雲門三兩峰
禪榻已容黃葉覆
詩瓢從把碧苔封
曉風殘月千邨櫓
細雨疎煙隔水舂
我向京城疑老盡
吳山清淺越山濃

獨木山寮不出門
一鉶一鉢送朝昏
巖迷鳥跡千崖泣
松吼龍吟萬壑奔
掩息端如雞抱子
愛閒屢見竹生孫
海門月落寒潮急
准擬乘槎與共論

玉儿峰頭第一枝老禪吃吃我深知曾將鐵杵敲氷骨
侶怪鉛刀割蜜脾法外無心猶涉解句中有眼即成疑
袈裟不展蒲團穩此是開元妙總持

我識虎丘三十年精神霄漢鵲張拳機當危處即燒印
語到盡時難續絃路涉兩岐空有泣谿流一滴竟無傳
雙峰古樹蒼藤冒時有子規啼徹天

山人歸去意何如八尺方牀自卷舒側岸采茶敲石火
隔峰翦竹溜清渠碧潭印月菱花鏡白鴈橫空貝葉書

後日相尋定何處不於吳下即康廬

元日朝迴

萬國梯航滿禁衛
衣裳譯語音殊鳳
簫聲送纖腰舞
雉扇行分兩翼趨
花氣欲浮金鑿落
雲光疑下錦流蘇
詞臣不識金泥祕
點指薇垣頌六符

次韻周南翁退朝二首

蹕道聲迴覲后皇
霞旌雙引拂朱光
龜臺新按霓裳曲
獸鼎重然甲煎香
歌板遏雲穿泱泱
酒車流水度汪洋

重輪瑞世思齊聖傳信應須屬子長

雉尾高張擁玉皇彤庭金榜粲明光舞階飛絮呈

一作宣

滕六執衛

一作執

傳臚轉阿香珠帽簫聲雙窈窕翠旌雲

影互方洋侍臣誰近前螭立願紀堯年化日長

早朝興聖宮次韻

萬馬東西甬路斜銀河初曙起宮鴉天香隨輦凝三素
風絮沾袍點六花銅史漏浮催卓午玉奴聲轉進流霞
詞臣點綴瑤池事底用秋風海上槎

用早朝韻酬伯生試院見稟

玉署松溪月半斜
研朱和露勘塗鴉
射熊心苦穿楊葉
吐鳳聲清飽竹花
過眼似迷三里霧
騰身誰上九層霞
故人掉首南山去
應釣秋風漢水槎

寄城南友人

三入承明願已酬
蓬瀛又復接清流
碧牋時寫飛花恨
寶瑟曾傳細雨愁
夢遶故園追過雁
眼穿鄉樹認歸舟
荼蘼落盡啼鶻急
慙媿羣公得縱遊

寄史允叟

一作公升

故國王孫佩碧

一作楚

蘭春雲涼月倚朱闌玉簫曲趁鶯

聲轉金鼎香隨蝶夢殘碧沚

一作沚

波清

一作淡

堪把釣黃

塵風急倦彈冠外家文

一作丰

采畦君在笑我冰髭跨曉

鞍

寄開元恩禪師

恩公遯跡閭門寺欲下繩牀謝不能露滴花光珠五采
月涵江影塢千層石榴紅帽明如火海艾青氈冷似冰

俛首西山人物論獨聽孤雁對殘銓

題郝伯常雁足詩

溪羈孤館鬢毛斑猛虎搖鬣障海寰玉樹已歌歸逝水
羽書難射隔平山不須羝乳終回漢肯學雞鳴詐度關
一寸蠟丸憑雁寄明年春盡竟生還

帛書稱中統十五年九月一日放雁

中統十五年乃至元十一年也明年乙亥四月奉使還

小院四月十二日牡丹始開乃單臺花也余將上

開平作詩示瑾

暖風吹雨佐花開送我灤陽第四迴內院賜曾傳側帶

舊賞花宴有大側帶小側帶

江南畫不數重臺

徐熙牡丹無重瓣者至崇嗣始有之重臺

婢之下者見常談云耳

迴黃抱紫傳真訣婉白抽青陋小才自是

妖紅居第一他年折桂莫驚猜

韓魏公牡丹詩自慙折桂輸先手羞殺妖紅作

狀元魏公第三王堯臣第一

寄開元奎律師

雙堦亭亭透夕陽芭蕉深處碧窗涼江神夜聽光明偈
天女朝分解脫香齋鉢午空烏守樹經臺雲冷鶴歸房

平生欲結西方社，侶怪淵明作吏忙。

伯庸開平書事次韻四首

沈沈樓殿內門西，曲宴名王舞馬低。
桂蠹除煩來五嶺，冰蠶却暑貢三齊。
金罍醕重凝花露，翠釜膏浮透杏泥。
最愛禁城千樹柳，歸鴉揀盡不曾棲。

身如病鶴倦梳翎，往事猶存舊汗青。
伏日賜冰來上苑，晚風傳竹度疎櫺。
承恩裁詔心抽繭，落筆誅奸眼拔釘。
惆悵當今人物論，披衣危坐望晨星。

的的新愁漲碧波可堪跋馬上危坡明知風伯秋當路
更候天孫夜度河沙磧共傳歌敕勒陰山那復見延陀
周廷王會須椽筆慚媿陳人奈老何

馬足曾窮五色河更將舌本品浮槎新聲促軫傳三疊
寶構懸銓鎮四阿短榻雁來愁不奈小窗人去酌毋多
白頭慵作東封頌願效諸生賦止戈

十一月十四日駕至京城楊仲禮有詩次韻

金輿清蹕發龍城乾雪坡陀甬道晴師起晉陽戈盡倒

令傳代邸轡徐行
驚皇合奏雲光過
龍虎文章曙色明
欲認雞翹新法從
駝車溪處聽鈴聲

安山曉泊

兩袖飛仙舞玉龍
曉來朝嶽日華東
門當楊柳灣灣碧
水貼芙蓉岸岸紅
隔艇茶香知楚客
連罾魚熟總吳僮
白頭已忘干戈事
不用乘軒問土風

發御河

一櫂黃流去復回
飛沙積岸雪皚皚
梨花亂逐沙鷗起

燕子溪隨野馬來晚歲宦情初岸幘莫雲鄉思獨停杯
茶蘼滿架留春住知我將歸為緩開

憶雙谿

清溪明處水交流萬井鱗鱗冠蓋稠杯凝玉光明月入
暮遮翠影落花留雲生古洞千山雨風送層樓萬壑秋
麗澤祠前最佳絕藕花零亂勝滄洲

信州招真觀二十八咏

五 鉢

鬼谷巖

縱橫太古石短長千歲藤感彼巖居子獨飲古澗冰

寒月泉

曉汲寒泉清明月各在缶缶空不見月引水復在手

玉簾泉

截玉作明簾不知簾外事應有碧眼仙隔簾見人至

月巖

顧免樂嬉遨入地不得騁化為白玉泉彷徨返東井

丹井

金鼎闕寒泉真火彌不壞年溪定飛騰子夜吐光怪

朱窩楊柳青地近滄洲余愛其名雅作古調三首

朱窩楊柳青明日是清明地下不識醉悲歡總入情
朱窩楊柳青黃河瀉如注還俟飛絮時相同入海去
朱窩楊柳青自愛青青好亦如送行客相逢不知老

題應德茂遊吳紀事二絕

澗凍冰泉咽松懸月露清何人會真趣細坐與君評
聽鶴鴛湖曉呼猿驚嶺昏十年南北恨無語獨銷魂

六月二十四日夜夢剡源師同遊山寺主僧延入
丈室出梅花畫卷賦詩旁有胡用章先生坐主
僧下時剡源對席僕居其次案上綠竹一枝青
翠可受剡源賦詩桶即援筆

一白不受采重玄今罷論窗前有綠竹密雪打黃昏

題湖曲小景

穆陵御
題詩句

流水無言寂寂落花有意
參參往事空餘華屋倚闌愁
絕江南

送鄧師禹歸龍虎山

小帽飛花一寸輕
舟流水三分落日獨歸洞
口隔溪短笛猶聞

題美人圖

錄四

昭君

鬢影愁添塞雪花
枝羞殺宮春誰道佳人傾國解從絕域和親

班姬

望幸眸凝秋水倚愁眉簇春山已悟篋中紈扇須看鏡裏朱顏

綠珠

金谷煙迷清曉玉簫春怯餘寒可恨花鈿委地當時莫倚危闌

張麗華

結綺塵空樓暗景陽春斷鍾遲紅葉無言在手同成井上胭脂

潛昭九日贈龍團次韻

月碾舊栽玉，
旂雲鑪溫浴銀芽。
九日殷勤相贈，
淡羅猶記金花。

夜讀唐將遺事二首

合江雨暗裂珠旗，
輦鼓鼙鼙怒促圍。
不是帝羆車上去，
元戎那得袞衣歸。

雉尾雲深漢殿開，
將軍鐵馬響春雷。
太平未睹恩恩去，
空憶君王白玉杯。

童時侍先人泊京口旅樓一月正對江山樓繁麗
特甚江津流民散處不可悉數今皆不復有追
憶舊事因成絕句十首

碧瓦參差第一樓風旗獵獵喚行舟兵厨有酒真堪飲
不學弓刀也白頭

紅袖娟娟舞旋齊鑾江一曲唱尤奇西湖院落曾翻得
未識君王知不知

鐙火闌珊月色低少年乘醉馬東西樓頭畫角聲悲壯

又聽歌聲促曉雞

白葦蕭疎野火焚
流民草舍各星分
沙田土瘦新耕得
寧死江頭不作軍

朱門高插相風旗
千里船行總得知
稻米流脂江上去
健軍何處是男兒

日日樓頭筭酒錢
戎冠太守號籌邊
鳴騶傳入丹陽館
為是行都過客船

淮馬低如果下騶
春風小隊打紅毬
日斜臺上人爭看

銀盃分明第一籌

明月曾隨多景樓幅巾長袖是清流金焦山勢元相望

不掩諸公富貴羞

劉改之舊有山掩諸公富貴愁之句

研山園下將軍宅脫却兜鍪強學儒聞說高堂擁紅粉

醉翻筆陣墨模糊

白雲一片愁千疊此地重來百不如空憶當年覓梨棗

小樓燈火了殘書

先人課子最嚴時在旅樓不廢講誦

支家口

蕩底天鵝雜櫓聲南鄉今有幾長亭錢湖未盡滄洲興
卧看荷花十二汀

古黃河口

溫溫河水似湯泉送我南歸意萬千入海定從天上去
不知重會是何年

甌社湖

甌社湖中新水清風牽符帶引帆行靈妃夜度霓裳冷
輕折菱花玩月明

舟中得功遠瓊花露戲成三絕

瓊花瑞露十分清
客裏相看眼倍明
自是江南春色好
錯教騎馬到京城

平生嗜酒不殢飲
最憶停盃微醉時
花下盈盈侶相待
莫教春倒最濃枝

繇禧觀裡花如雪
留取清陰待我來
應有真真花底坐
生香一曲舞三臺

送危功遠

居庸關外雪模糊
發騎分明似畫圖
猶有淡春後歸雁
見君曾宿洞庭湖

晚訪仲章不遇

小院春濃落照間
碧簷相對乳禽還
晚風陣歇遊絲盡
留得歸雲在屋山

靜芳亭

簾外羣山當畫屏
白雲如水度中庭
松花落徑無人掃
失却莓苔一半青

次韻馬伯庸應奉絕句八首

玄都觀裏桃花句
沈香亭前芍藥詞
今年春風似憐我
明年春風更相思

肥紅盈盈錦步障
淺黃淡淡綠油幕
絕憐舊嫁小娉婷
一曲生香淚雙落

垂髻雙雙白馬郎
看花不語愁晝長
堂前有婦不肯守
遍看吳姬與趙娼

小樓昨夜聽琵琶
推手却手怨王家
不辭遠嫁盧龍道

可憐長城骨如沙

紅衣夜唱娑羅樹云是西天好兒孫吹螺日飲官法酒
笑渠騎馬傍人門

誰家弄玉矜少年采蓮艇子歌娟娟轉首那知顏色老
猶抹橫雲啼鏡前

向曾六月桓州住雪歇前巖散冰樹王郎馬郎太愁生
兩騎雙雙辭我去

烏靴窄窄稱宮袍雙鬢風翻見二毛聞道山中止十驛

急須乘馬釀松醪

次韻繼學伯庸上都見寄二首

陰陰梭殿水雲蒼
鵲鵲風微夏日長
渾似醴泉宮畔境
千官齊立從文皇

紗縠單衣珮水蒼
碧牋裁詔蘭絲長
日斜雙入通明殿
雲母屏前對玉皇

錢舜舉折枝菊

醉別南山十五秋
雁聲淡恨夕陽樓
寒香侶寫歸來夢

背立西風替蝶愁

葛仙翁移居圖

翁媼相攜入翠微
轉頭猶有可憐兒
丹砂不是神仙藥
勾漏歸來鬢已絲

離宮圖

龍首渠開王氣埋
淺沙殘草認天街
當年金屋寒鴉聚
時有耕人拾寶釵

子昂逸馬圖

神駿飄飄得自閒
天池飛躍下塵寰
青絲絡首誰收得
留與春風十二閑

通叟狀元以秘書滿職言歸泊然若無營者摘舊與
殿廬詳定得通叟卷氣完以充議者爭緘口今其南
歸以子昂畫馬求言怡然以別吾徒之責
深缺然矣至治元年八月二十九日楠書

薛濤牋二首

蜀王宮樹雪初消
銀管填青點點描
可是春山留不住
子規聲斷促歸朝

十樣蠻牋起薛濤
黃筌禽鳥趙昌桃
浣花舊事何人記

萬劫春風燐火高

宮女度曲圖

望瀛法曲紫霞觴更按伊州奉玉皇
翠竹涼溪宮院密
新聲那得過宮牆

簡馬伯庸

象榻香濃翠幌春美人倦繡態橫陳
平明欲進朝天鞮
小立蘭鐙熨貼頻

開平第一集

并序
甲寅

延祐改元五月三日分院十五日始達開平得
詩數篇錄示兒曹

居庸關

太行領羣山萬馬高下拜平巒轉城隍隱隱南北界危
坡互交牙寒溜瀉泮泮陰風玄虬湧巨石忽崩壞周遭
青松根下有古木砮石皮散青銅云是舊戰鎧天險不
足憑歷劫有成敗驅車上林杪出日浴光怪肅肅空巖
秋天風迅行邁

雨中度南口

山寒絕禽鳥獨聞子規啼石壁飛雨驟衆木搖淒淒瘦
馬蹴亂石高下齧其蹄陟嶽沮洳溪漸覺所歷低暝色
起亭午土屋流寒泥須臾過雷聲倏忽生晴霓水清亦
可度戒僕踰前溪

度懷來沙磧

沙清圓石瘦千里聞風聲驅此轂轂車索索莎雞鳴遠
山列翠席近坡環碧城高下各有險轍跡那由平驚兔導我

前歷錄為之驚天低雲搖蕩土曠塵縱橫謬膺翰墨選
遠行有期程迴頭望南坂初月隨風生

龍門

瀚海雙龍鐵鱗甲卷壑拿雲蹲冀闕千泉百道湊東南
急雨翻空迸晴雪古言神禹功最多導山鑿石疏九河
幽都之地不復顧乃使雙龍下地成盤渦陰風何颼颼
磅礴太古秋崩崖落車礮怪木森戈矛碎沙晴日鋪金
麤云是昔日當關挽勁之僕姑寒泉組練結九曲亭午

赫日光模糊車聲何轉轉昨宵急水迷無津垂堂之言
猶在耳遊子商人行不已予規徹天呼我歸翠華北阜
那得辭龍門之石高不磨泚筆書我龍門歌

彈琴峽

在居庸

寒泉飛玉峽誰彈使成聲下有戰士骨嗚咽水中鳴絲
石本異調摩戛生虧成鑿跡匪神禹佳兵構秦嬴駐馬
為聽之逝者何不平虛北納新雨急促濁復清重華初
省方百神靜相迎為作薰風絃散彼巖下情

雲州

天濶雲中郡剛風起沈寥
旣房聯澗曲土屋覆山椒
樟布朝朝市通薪戶戶燒
遙看塵起處淡羨霍嫖姚

金主畫孟浩然騎驢圖

生前明主已遭嗔身後君王為寫真
家國總緣詩句廢
灞陵猶勝蔡州塵

李陵臺

雪衮寒沙風衮灰
眼穿猶上望鄉臺
隴西可是無迴雁

不寄平安一字來

開平第二集

己未

登候臺

蜿蜒西龍岡綠草搖青波旁有雙玉井石角增嵯峩明
良佐神運目力窮坡陀層垣睥睨雄寶構通義娥昂昂
鐵竿聳飛鳥光盪摩土屋粘密房文擅園錦窠緬思皇
猷遠默止松林戈匪以清暑游跋履勞鳴珂陰森晚色
晦寒沙聚羣駝悲茹月初上戴斗瞻天河

上京雜咏十首

雲護中街日風開北戶天千溝凝白雪萬竈起青煙午
潯曾持扇朝寒却衣綿松林空有界翦伐不知年

土屋層層綠沙波簇簇黃馬鳴知電急雁過識天涼墨
菊清秋色金蓮細雨香內園通閤苑千樹壓羣芳

天闕虛無裏城低納遠山白榆迷雁塞青草補龍灣市
簇家家近官清日日閒重遊深問俗漸恨鬢毛斑

舊歲寒冬惡霏霏土雨迷門荒懸馬革草淨絕牛蹄列

帳煙光慘空營月色低縣官捐粟帛歲晚得扶携

上國饒為客天涼眼倍青白魚沙際網黃鼠草間翎芍藥園紅斗摩姑綴玉釘漸知塵骨換振佩接青冥

天錫清涼國晴霞綻雪峰月低疑墮兔雲近得攀龍寶鑑頒冰徹筠籠賜果封白頭貂帽客為我話深冬

駝鼓邨邨應傳更趣進程草肥涼露白樹薄曉風清帳殿橫金屋檀房簇錦城屬車流水度細點侍臣名

伏日瓊林宴名王總內朝帽尖花壓翠衣肉錦圍貂炙

熟牛酥毛醅深馬乳澆柘枝旋舞急宛轉稱纖腰

市狹難馳馬泥深易沒車凍蠅爭日聚新燕掠風斜晚
汲喧沙井晨炊斷木槎問閭通茗酪俗簡未全奢

長夏崇真館疎簾灑靜僊支頤推萬古止息契重玄月
窟窗如雪天瓢酒似泉主人憐老客下榻不曾懸

再次韻十首

帝京環陸海平野接冰天龍吐青林火狼沈紫塞煙風
花秋黯澹雲葉雨連綿昔日君臣意淡符卜洛年

寶閣凌空涌金壺映日黃梵音通朔漠法曲廣伊涼御
榻惟經帙宮鑪獨篆香吾皇清淨德銀管願垂芳

高下雲中樹疎明雪外山坡凹茅結屋嶺轉水回灣禁
路分馳道沙場當內閒通明風露冷時許侍清班

晨起儀臺立煙青望眼迷草低鷹側目車過馬迴蹄風
勁弓弦直泥融柱礎低蚊蠅淡斂跡塵尾不須攜

紫極中天正森森接帝青雁歸傳帛信雉落舞紅翎寶
所金千頃朱門帶萬釘瀛洲清淺處高坐納空冥

昔年曾扈蹕宿直對鼇峰錦製手蘭茗翠波翻墨沼龍起
居青簡注除拜紫泥封共說先皇日千官總住冬
土驛高低置蒼茫七日程馬通分燭耀牛酪注淡清殘
雪明珠闕繁星列火城前山黃白處草藥不知名

千堞蜂腰凸羣山馬首朝沙場調俊鶻草窟射豐貂
舞花頻簇狂歌酒恣澆今年春事減土舍雪齊腰

箭落驚遊騎鈴傳督運車土風殊楚越驛道仿褒斜
細雨三更枕清秋八月槎夜聽鯨管急漸習五陵奢

長齋孤館靜捧腹睡便便酒斷眸凝碧塵淡鬢返玄凍
蜂粘暖草乳燕啄冰泉過翼時頻數鄉心日夜懸

松林行

陰陰松林八百里昔日相傳為界址玄雲卷甲天馬來
雪兔霜狐先委靡山前犬牙十六州石郎屈膝輕相投
淺沙圓石古轍跡草青草枯無盡愁葱鬱拂天鎮南北
萬井燃松煙似墨大車天矯龍角全小車輪囷束矛戟
松花落子針復抽不如昔日當道稠采薪之人不辭苦

出郭十里爭相酬君不聞雪山之西銅柱南混同鴨綠
成東漸金山橐駝爭貢寶翦取平林作馳道

開平第三集

并序
辛酉

至治元年二月庚戌至京城壬子入禮闈考進
士三月甲戌朔入集賢院供職四月甲子扈蹕
開平與東平王繼學待制陳景仁都事同行不
任鞍馬八日始達畱開平百有五日繼學同郎
八月甲寅還大都得詩凡六十二首道塗良勞

心思彫落姑錄以記出處耳是歲八月袁桷序
次韻繼學途中竹枝詞四首

紅袍旋風漾金泥車前把酒長跪齊忽聽琵琶相思曲
迎郎北來背面啼

羶房錦幄花簇勻酌凝疊餅生玉塵晚傳宮壺檀板急
酒轉一巡先吐茵

土屋苦草成屠廡前牀翁媪後小姑我郎南來得小婦
蘆笛聲聲吹鷓鴣

閭闔雲低接紫宮
水晶涼殿起薰風
侍臣一曲無裛操
能使八方歌會同

戲題桦皮

褐裳新脫玉層層
紅葉朱蕉謝不能
擬製小冠韜短髮
意行雲水一枝藤

龍虎臺

羣山朝宸居層臺
納靈秀百泉暗東
西千嶂明左右

沙磧

水多
伏流

先皇雄略深省方
歲巡狩翠華懸中
天問俗首耕

耨沈沈貌貅壘濯濯鷹犬數前行節駝鼓執御各在手
侍臣仰天威長跪四方奏往聞父老言羅拜上萬壽山
桃與黍酒啟齒時一嗅乘雲去無蹤過者必稽首登坡
望儲胥紫氣徹牛斗

桑乾嶺

茲山西北來旋轉十二雷昔人望鄉處生別何崔嵬我
來坐絕頂雲漢森昭回出日騰金鉦積露流銀臺長空
不受暑雪花散皚皚羶車引繩過屈曲腸九迴微踪媿

三至南望心低回長風馬耳迅何當賦歸來

龍門

蒼厓出雙闕羣山頽首尊陰風起晴雷摩盪晝日昏鐵
峽擁偪仄百川為之奔疑下有龍湫逞怪蹲天門淹兮
出膚寸頃刻黃流渾側徑出石壁巨浸存遺痕緬昔設
天險事久難窮論征衣襲輕雨神君儼雲根

曉發

蓐食慎王事曉星當前戶跨馬官道行細草泣寒露亂

石鳴琮琤啼鳥守荒樹行行未十里問堠坐常路年衰
脛力拘望遠彌窘步天風卷飛蓬白日互吞吐深知非
世才歸畊誓先墓

合門嶺

寒沙高岡聚積溜開土門地媼神功竒茲焉奉帝尊先
皇歲巡幸屬車爛華軒令嚴植前茅高下相攀援魚貫
別後殿蟻行定前屯飛丸落千尺瞥裂驚危轅履險深
自持人情戒居安寒雲蔽出日去去踰前邨

灤河

近山馬昂髮遠山鳳騰羽百谷奔亂流屈曲長蛇赴維
時雨新過急溜槽牀注居人匯為井千屨集沙步寒光澄
玉膏甘冽過牛乳茲泉成白溝巨浸合沮洳蓮茨充餽
糧魚蝦足租賦塞翁話疇昔陋彼成險固往事不復論
汙汙日東去

楊花曲

上都楊柳瘦且堅葉葉不展圓如錢年年飛花作端午

遠客乍見心茫然上都飄雪不知數此花與雪相旋舞
黃鸝聲絕孤雁鳴萬騎千車互來去手攀短條心欲絕
宛轉成球恨初結寒風飛蓬卷車輪點點相亞隨明滅
南隣蕩子衣夜單曉望出日如黃綿辛勤掇拾不敢棄
願刮龜毛同作氈

裝馬曲

綵絲絡頭百寶裝猩血入纓火齊光錫鈴交驅八風轉
東西夾翼雙龍岡伏日翠裘不知重珠帽齊肩顫金鳳

絳闕蔥朧旭日初
逐電迴飈斗光動
寶刀羽箭鳴玲瓏
雁翅却立朝重瞳
沈沈棧殿雲五色
法曲初奏歌薰風
酏官庭前列千斛
萬甕蒲萄凝紫玉
駝峰熊掌翠釜珍
碧實冰盤行陸續
須臾玉卮黃帕覆
寶訓傳宣爭頻首
黑河夜渡辛苦多
畫戟雕闕總勲舊
龍媒嘶風日將莫
宛轉琵琶前起舞
鳴鞭靜蹕宮門閉
長跪齊聲呼萬歲

次韻繼學竹枝宛轉詞二首

聞郎腰瘦寄當歸
望盡天邊破鏡飛
昨夜燈花圓似粟

倚門不肯

一作停却

送郎衣

年年河鼓度天津郎在灤陽見得真今夕定知郎到日

桂花浮魄滿香輪

約八月十五
五日抵京

開平第四集

并序
壬戌

至治二年三月甲戌改除翰林直學士四月乙

丑出建德門買小車卧行八日至開平舍於崇

真宮有旨道士免扈從宮中闌無人聲車駕五

月中旬始至書詔簡絕倡和率意為題得一百

篇閏五月上幸五臺山以實錄未畢趣史院官
屬咸還京是月丁巳發癸亥還寓舍五月灤陽
大寒閏月道中大暑觀是詩者亦足知夫馳驅
之為勞隱逸之為可慕也六月丁卯朔桶叙
端午日錄車中抵開平客中三度端陽愴然有

懷

居庸昔日逢端午子規聲聲勸歸去舊歲灤陽萬壽宮
九節菖蒲泛瓊醕今年車中飽掀簸盲風北來雨如注

沙坡馬鬣高下迎土屋魚鱗先後附舊家松篁百尋碧
蒼苔花前石榴樹停車俛首不得語鄰牆簫聲雜駝鼓
勞生得意同蝸牛舊歷却行等蠅虎

天鵝曲

天鵝頸瘦身重肥夜宿官蕩羣成圍蘆根唼唼水蒲滑
翅足蹇曳難輕飛參差旋地數百尺宛轉培風借雙翮翻
身入雲高帖天下陋蓬蒿去無跡五坊手擎海東青側
眼光透瑤臺層解條脫帽窮碧落以掌疾擱東西傾離

披交旋百尋，蒼鷹助擊隨。勢遠初如風，輪舞長竿末。
若銀毬下平坂，蓬頭喘息來獻官。天顏一笑催傳餐，不
如家雞柵中生死守。免使羽林春秋水邊走。

客舍書事五首

客景真愁絕，淒涼倍舊年。草穿沙觜縮，雲住屋頭偏。
竈冷厨煙溼，窗低簷溜懸。畏寒難出戶，盡日得高眠。
愁極吟肩聳，塵深望眼迷。屋隨冰上下，山趁雪高低。
乾酪餅爭挈，生鹽斗可提。日斜看不足，蹋舞共扶攜。

蟾影穿窗蠹龍光拂席流淒清三伏暑浙瀝九天秋水
惡停泥井冰堅宿瓦溝年年遊上國那識望鄉愁

禁堞防危石官衢漾淺沙犬能搜兔窟馬解避駝車童
翦青蔬甲僧分墨菊芽飄零堪慰藉小雨墊烏紗

宿霧成疎雨寒蓬卷細塵雲飛疑到地草長不知春香
几蜂喧密花房燕語真白頭闕塞外猶作未歸人

華嚴寺

寶構熒煌接帝青行營列峙火晶熒運斤巧闕攢千柱

相杵歌長築萬釘

殿基水泉湧沸以木釘萬枚築之其費鉅萬

雲擁殿心團

寶蓋風翻簷肉響金鈴踰知帝力超前古側布端能動

地靈

行路難二首

桑乾嶺上十八盤
赫日東出紅團團
迴首平田樹如髮
北去沙石何漫漫
青帘高低知客倦
勸汝一杯下前坂
馬蹏護鐵聲琮琤
帖石朱闌列危棧
度嶺林昏泊官驛
冰湧虛泥踰五尺
馬行猶知泥淺深
重車沒踝路莫尋

敝裘蒙茸蘇季子兩足重趼行不已一朝佩印何纍纍
列鼎腥羶夸國士班生遠出玉門關被甲夜度隨黃間
飛沙擊面燕領失晚望落日思生還書生守株鐙火勤
終歲不通南北隣一朝安車入闕內老不能言願求退

視草堂歲久傾圯述懷

視草堂前草木青微臣三八鬢星星壞牆雨透蝸生角
舊竈泥深茵露釘溪恐雨鐘催曉箭獨聽寒殿響風鈴
堂堂諸老冰漸盡病叟應歸種茯苓

翰林故事莫盛於唐宋聊述舊聞擬宮詞十首
禁鐘初動趣傳宣衣袖薰香到御前
漸近宮前扶下馬
內官分引導金蓮

御筆圓封草相麻龍牋香透擁金花
儀鸞敕設庭前候
賜酒方終更賜茶

制草塗鴉未敢刪內璫宣引侍龍顏
已分筆格金螭滴
更賜端溪紫研山

春帖分裁閣分多宮娥爭餽纈綃羅
青絲菜并銀盤送

幡勝新題墨旋磨

文思如泉涌墨林屏風院吏不須尋舊時內相諸孫在
猶有當年埽閤金

入院聽宣席未溫賜金已向案頭存

故事入院傳旨畢
賜紫金十兩始草

制清晨上馬還家去內出黃麻付閤門

清馥香溫酒玉脂祝文已撰報都知夜來奉旨傳丞相
五朶雲濃押省咨

天孫夜度玉潢清內托銀盤涌化生秋思未多團扇在

擬題宮怨月分明

盤雕暈錦是冬衣
鴿炭初生酒力微
聞道邊臣風雪苦
口宣臘藥布皇威

贊書謄副節樓前
筐篚盈庭邸吏傳
溪恨葫蘆陶學士
受渠犀玉索金錢

五月二十六日大寒二十二韻

地界幽都正風傳
委羽來陰機堅積
沍空竅起荒埃炎
帝辭施設玄神擅
展裁氣疑翻溟淖
勢欲壓恢台北戶

巖雲結中街宿霧霏曉流驚炙轂叨咽訝銜枚野曠孤
歸穴林荒雀下臺趁虛人瑟縮走驛吏徘徊舊篋裘頻
索殘鑪火易灰當陽紈扇棄薄莫酒尊催牛喘猶瞻月
龍藏敢挾雷曉吟肩峭直午睡髮毵毵絺綌聊增襲簾
帷莫浪開鼎溫延上客竈煬集羣孩烏認南枝宿駝鳴
北路回沈寥河漢接慘澹雪霜堆重甲身僵仆銖衣說
詭誕已知鄒子的更覺杜生哀澤國朝曦赫畬田溽雨
催鴻鈞陶石爍金鑑煮冰推舊俗慙卑窘新聞騁博該

廣寒今已到姑射不須陪

皇城曲

堂堂瞿曇生王宮幼年夙悟它心通梵書未睹口已誦
底用城闕窮西東淨居老人幻境異故作恐怖生愁容
世間習妄了莫喻要以神化開盲聾歲時相仍作遊事
皇城集隊喧憧憧吹螺擊鼓雜部伎千億百戲羣追從
寶車瑰奇耀晴日舞馬裝轡搖玲瓏紅衣飄裾火山聳
白傘撐空雲葉叢王官跪酒頭叩地朱輪獨坐顏酡烘

蚩氓聚觀汗揮雨士女簇坐屑搖風人生有身要有患
百歲會盡顏誰童西方之國道里通至今生老病死與
世同

龍門

君恩八度過龍門眼見蜿蜒守黑雲漠漠沙田荒礫滿
空將霖雨一溪分

清容居士戲題開平四集云開平四集詩百首不是
故歌行路難竹簾暑風茅屋下它年擬作畫圖看又
王士熙奉題開平百首詩後云玉海雲生貝闕高騎
鯨人去采芝遊灤江一夕秋風到瑟瑟珊瑚涌翠濤

青閨怨

此首從體
要錄入

妾家住在湘江曲門枕湘江春水綠年年長是莫春時
兩岸人家啼布穀自君話別湘江頭獨上層樓彈箜篌
蛾眉不掃遠山碧滿隄芳草春正愁舉頭不見君但見
湘江雲江雲聚復散妾心空如薰舉頭不見君但見湘
江水江水去不回妾顏為誰美湘江雲湘江水雲水悠
悠何日已舉頭望君君不回門前楊柳空依依

至治癸亥八月望日同虞伯生馬伯庸過槍竿嶺

馬上聯句

有嶺名槍竿其上若棧閣白雲亂石齒青峰轉帘脚積
冰太古陰出礦無底壑馬飲沆瀣泉鷹盪扶搖幕轍迹
委垂紳人聲發虛索烏飛接鳥背羽沒疑虎躡一作騰霧

松秋髮長霜果春頰一作紅脂薄升樵不知疲獨徃端有愕

競競矛頭浙抗抗井口索凝睇見日觀引手探月廓南

下眇塵海北廣終沙漠金橋羣一作迎仙迎一作遊玉幢一作作

寶塔百神鑿禽鳴蜀帝魂鐵鑄石郎錯鈎鈐挂闌干一作闌干

挂鈎攬槍斂鋒鏑屬車建前旄馳道徇嚴柝載道三人
街行弭節半途却

送曾編修同王繼學聯句

奇鶴慕南雲俊鵲欣北雪行藏龜左顧去住坂九折纂
書墨兵從擬制銅史挈佩委松籟回冠戕星光徹甄花
窺日輪升藻旋風鐵歸思紅葉高家憂紫荆裂晨裝發
五兩夕祖謝駟驥沙明石痕瘦川遠桅影列吳歌導鷗
舞楚製慘鵑結汀葭青女臨岸橘黃人揭組練危瀑懸

簫聲古灘咽詩箋江神幻目送山君別炯炯雁集洲挺
挺鶴鳴垤賈馱魚貫直僧屐鷺飛滅前坡指迎帽舊墓
拜表碣明知紹世譜詎肯遂官轍兒孤文襁昏女乳粉
鈿涅深思振鵠原後盾起鳳穴過都塊非歷去魯浙宣
接歌驪念睽違瞻蟾數盈缺

袁處士哀

哀字德平與伯長為族兄弟善書法隱居沙家山
常作求志賦以叙次先世遺業詩多失傳并附

聯句諸作

東湖聯句

舊學蕪三史新居隘一廛煎熬魚煦轍奔竄鳥驚弦擬

整登山屐

伯長

須乘破浪船出關塵已遠

德平

過埭意爭先

歸船攢桅聚

伯長

浮梁斷鎖懸潮渾江葑沒

德平

塍破岸藤

纏戍柵休樟密

伯長

官隄砌石平機閒蠶喚織

德平

砧響雁

傳箋乍靜喧煩耳

伯長

猶欣輾轉眠鵲橋華屋廢

德平

鶯匯

曲河連稠實聞農具

伯長

醯嚴絕竈煙急裝紅蔽膝

德平

辨

髮黑垂肩估客編文貝

伯長

邨家緯木棉生涯疲剝割

平德

世路窘迫遘龕室休行客

伯長

郵亭歎逝川韞鷹圍獵罷

平德

聯騎縱游旋路轉分支港

伯長

川明幻別天鄮城花已

暗

平德

甬水恨空傳數堠搜唐刻

伯長

題詩紀宋編會堂夫

予像

平德

汲井隱居泉海眼藏龍窟

伯長

山心射鹿田水鳴

知權急

平德

岸走訝途遷隱見岡巒近

伯長

低昂橘柚鮮青

山猶五里

平德

綠樹已千年歸犢如雲擁

伯長

閒花似火然

苧裳遊女淨

平德

蘆管野伶妍繫纜披團氍

伯長

循溪舍竹

篴徑香幽菊傲

平德

土薄假山偏銍火精廬古

長伯

衣冠故

物全登門論子姓

平德

對坐叙姻聯金魄篩窗影

長伯

丹砂

養井淵螢飛光熠熠

平德

鶴唳翼涓涓斗室橫烏几

長伯

方

牀藉素瓊魂清時入夢

平德

意得竟忘筌過墓成局戶

長伯

遵湖復扣舷滄洲迷秀麥

平德

真隱拱朱椽碧洞諸天杳

長伯

蒼珉帝畫鐫梯危頽縮武

平德

像寂且擎拳紫府商霖

長伯

丹書漢澤宣銅鋪苔暗蝕

平德

經度燕新穿倦鳥辭

枯柳

長伯

游龜載早蓮古奩開斂豔

平德

斜穀縐漪漣淤塞

焚排劍

伯長

洲乾蓼糝鈿官徵都尉粟

平德

漁納水衡錢王

絕山靈泣

伯長

祠荒野老憐紙旗隣社開

平德

草广曲河填

此去真聯爾

伯長

斯行信偶然相幽藏魍魎

平德

潭黑袞蛻

蜨雅興呦呦鹿

伯長

勞生跼跼攬芳真啗蔗

平德

寫絕擬

和鉛轍跡蕪菁翳

伯長

麻綦杲耳緣貞娥鬱龍虎

平德

胄相

紹貂蟬宰木分神隧

伯長

思亭列石筵風霜翁仲老

平德

香

火釋迦專楚些招歸魄

伯長

王官慨昔賢拜峰誰控勒

平德

篆水自書玄屈曲東西路

伯長

縱橫南北阡緜華晬轉電

平德 得失口垂涎絮酒悲宗老長伯囊經想地僊房溫連梵

平德 市近接腥膻破露生衣溼長伯登坡弱足肝卧牛遺

扁暗平德眠鹿繪容虔金刹從茲訪長伯塵纓合少蠲伐山

靈運躁平德衝雪予猷顛檜煖蜂偷蜜長伯蘆寒鳥啄綿蟹

稀螯數百平德樵夥斧論千淡日收人影長伯空嵐漲土埏

蒲葵遮望眼平德繭紙論吟篇除道家僮嬾長伯偷程地主

僮蟻封徒曲折平德駒隙漫拘攣碎石行行直長伯修篁个

个圓深叢驚雉翠平德夾徑聳楠梗濯錦芙蓉豔長伯飄香

桂子駢雕楹回複道

平德

斜閣布陶甃刻畫功難盡

長伯

暈

飛勢欲翩奉常陳劔履

平德

尚服錫紃綖憶織鮫人網

長伯

帷凝蜀國旃妖姝汙粉頰

平德

土偶聳高顙祛石當時力

長伯

臨淵昔日權只今畱舊業

平德

何處覓幽禪燕頤風雲

會

長伯

龜趺日月躔蛛窠緣袞服

平德

鼠跡上朱籩累僕供

朝沃

長伯

因僧進午餐佳城蹲五鳳

平德

素業廢三鱣勝已

窮蘭若

長伯

名猶慕倭倭臺空霞珮冷

平德

殿寂羽幢薦觀

主何年住

長伯

真官永世鍵畫梁誰復葺

平德

美蔭久頻腴

木已非真李

長伯

僧宜賤壽錢悲來雲幕幕

平德

恨極水潺

潺重嶺藏椒屋

長伯

斜暉指蕙楊暫歸心未穩

平德

欲去眼

空眩憶昔窮誅閭

長伯

如今猛棄捐慈山名轉赫

平德

困塤

恥誰湔積翠林霏悄

長伯

流波海月娟遠鐘催宿鳥

平德

橫

笛挂烏犍拄笏風騷負

長伯

攜壺主僕牽情裏同黍醴

平德

臭味比香荃圓澤休論舊

長伯

華胥復記前乳彪號澗側

平德

哀狄嘯雲巔悖族盤餐盛

長伯

通家笑語闌鷓鴣歸槩

熟

平德

舴艋逆風沿濟勝應難促

長伯

臨流且賦遄鳴夷歌

逝矣

平德

漁父卜終焉紫槿遮籬角

長伯

丹楓壓廟堞鍊形

金骨化

平德

團礎土砂堅破屋啼山鬼

長伯

荒碑立老鷗歲

時羞野賽

平德

水旱禱靈筭西帝澄金宇

長伯

東湖鑄玉璫

涼颼舟泛泛

平德

晴日草芊芊射鴨縈長弋

長伯

叉魚擊短

鋌酒廬橫矮甕

平德

屠儿斫肥牲街市僧袍麗

長伯

招虛販

鼓鑼登臨難婉戀

平德

想像費平銓更欲南窺海

長伯

誰能

北跨燕同心雙繭緒

平德

徇俗走珠蟻朗鑒詞聯寫

長伯

玄

談茗更煎翔翔誠放浪

平德

匍匐類狂孱已之凌雲句

長伯

時思縮項鰓還家如夢寐

德平

共點曉霞邊

伯長

九月望日送姊歸余氏先塋之廬登其高祖少師墓
相傳為外高祖忠定王所相余氏之興兆于此支塋
為尚書公墓亦為佳兆十六日早發尊山行一二里
拜外舅之考待制公守墓僧畏祇迎閉闔叩之終無
人聲山勢左行清興未已借余庵舟過東湖上外曹
祖宗宣公滄洲堂故基悽惋久之舟上疎余與德平
行至月波忠定王所建寺後有洞像補陀示相舍舟
登葉夫人八行太師墓又上五祖堂觀招魂辭莫抵
鹿野拜正肅公祠奠永州几筵行久殊為疲勞是夕
德平抱兒相示省宇修廣予許以永大十七日平明
遇種德拜正獻公墓讀楊文元公碑庵僧洒然非鄭
氏庵比是日德平攜壺同庵僧指游領大慈七山有
僧七十餘能道嘉定紹定間事示忠宣公所製滄洲
堂上梁文益重速想拜忠獻公王墓歸復宿鹿野巖

君以命十八日歸歸游鮑王祠日己是余親翁病瘥
復留宿詩成凡一百二十韻餘華感慨悉紀于詩詞
雖不工然二人綴緝之勤有不可不示于
好遊者用識于後云己丑十月某日楠書

遠遊

壬寅冬與伯長同留
姑蘇時伯長將赴都

海鵬跨南雲一去扶浩蕩宛駒踏北雪絕足追罔象宵

征車載脂

伯長

明發燈在幌行邁念悄悄離愁裏養養違

吳始接浙

德平

過越類

一作猶

指掌蛛網結遐

一作長

思羯鼓

促新響觴至不復辭

伯長

駕逸誰能仿明堂企棟梁武庫

輸

一作須

籊籊氣合芝蘭芬

一作材

連英德平

學媿蓬麻長大

施朱弦清小薦金莖沆雲間鶴孤唳

伯長

天外鴻橫上曉

舩斲層

一作輕

冰午店憩平壤追攀瞰煙濤

德平

涉歷走塵

鞅長淮橋蟬蛸薄霧裊驕駛風臺牛一鳴

伯長

日觀雞三

唱團桑沃如蓋宿草亂若絛青帘客沽酒

德平

素鬣漁收

網心觀洙泗流眼豁恒岱爽追程騎侵星

一作雲伯長

勸耕

農植杖俗厚喜豐登氣俠存慨慷伊河既東流

德平

維斗

復北仰誰云風土殊始覺宇宙廣骨聳終超騰神清何

懔恍鈞天夢非真

伯長

廣寒步空想銖衣入閭闔芥粒視

北垞千官紫府榮
九奏彤庭昶
摛文翦金炬

德平

展采簇

天仗清都踰咫尺
弱水漫方丈
絳旗雲霧開
寶扇日月

晃仁聲被八表

伯長

德意蘇

一作昭

羣枉泥檢極
封崇芬苾

巖肸蠁瑞氣藹
重重泰階瞻
兩兩駟峰出
天厨

德平

裏蹠

錫中帑鳴珂接
俊彥正笏嫉

一作遠

偏黨德人笑
采芝逋

客棄拾橡芽
拔要有方

伯長

夫來本無嚮
湘纍但瑰詞
越

相僅金像遭
讒氣徒憤得
計身何往
豈如及承平
相與

窮昭朗君行
步飄颻我滯
心悒快輕霜
著衣

一作裘

帽

德平

微霰點

一作雪留

草莽離歌起蒹葭古製出

一作却

盆盎先登

匪十獲後至激孤獎城南鎗火深

伯長

塞北音書睚東

一作

春風漸披拂臘水初

一作將

澆養詩成愈加險酒盡未為

彊雙眸秋水炯

德平

累語春波盪經行度崎危交友希個

儻羈遊棄楚荒遠客憐齊傖光陰尺璧重

伯長

事業千金

賞行還雁塢題復睹鴻都榜時來戒步窘事至勿技癢

脂韋本凡近

德平

鐵石乃忠謹詞林納疵美書田課荒穰

列仙會儒癯羣仕趨吏駟陸生強伊嘵陶令終翫辭貞

心百壬辟正色上帝享徒為捧心施莫學畫眉敲功名
要無心造物端有相行行遂初志作事記疇曩

伯長

秋雪聯句

九月十五日
同伯長繼學

金神縮兌澤水妃表玄英西郊散冰粟北戶垂珠栴三
登發重瑞六莖凌孤清白藏縞衣舞顙氣霓裳呈楚客
迷望眼羌戎候軍聲桂粉靈杵飛穀精露囊盛降霜鄒
子憤停日陽侯爭澄霄鶴失頂空江鷺搖睛菊貞返素
朴木落超空明鏗鏘商籟諧大小藍璞成蒼花賸壘畝

梅蕊光檐楹初疑蚊蚋集漸覺鵝鵲迎漢盤結夜溼韓
堂滅宵繁陽和趨報社嚴凝儼書正掩袂青女辟沾巾
素靈驚擊鷹眩莽蒼樹羽登崢嶸長楊散旃屋五纛增
門閤絮團柳殘葉鹽裹荷畱莖鉛飄嫋娥匣旄落少昊
旌井梧炫銀牀庭櫻轉珠纓萬入西帝遊六變坤母寧
初驚遽然至忽訝乃爾輕單衣亟搗素黃裳倏飄瓊陶
姬却帳暖唐皇咽簫橫昊天有正命殺氣何橫行沈沈
宸居肅雨兩台階平朔吹偶先集澤雷久藏鳴碩果理

固在飛葭澹無營

送仇仁父分教溧陽兼寄張仲實

往讀大歷才子詩常恨諸人不公卿當時將相漫豪舉
誰如千年麗句留佳名破帽饑吟孟貞曜一尉辛勤晚
初調至今山水餘妖妍尚有當年賦詩料廣文清絕非
警曹況君意氣凌雲高黌宮寬閒衿佩集底用如彼雕
鐫勞丹陽湖西足烟樹想像昭關遁逃路六朝舊迹偏
蒿萊盡是諸賢醉游處人生自古并合難詩人今日盟

未寒聯珠聚比百里聚會見卜史昂頭看西秦公子眸
炯炯陽羨三年官舍冷憑君為我致相思行矣追尋嘯
煙艇

送屠存博分教溧水

海內文名三十年青衫初映綵衣鮮積薪未許論工拙
拾級那能較後先鱸舍談經周禮樂鷁舟臨賦晉山川
春風無限分攜意目斷楊花綠水邊



元詩選初集卷二十